



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0025680 24
Sarajevo, 06.08.2025. godine

Na osnovu člana 35. stav 2. tačka e) i člana 216. stav 3. ZKP-u BiH donosim sljedeću:

NAREDBU
o nesprovođenju istrage

Neće se sprovoditi istraga na osnovu krivične prijave „(...)“

, podnesene protiv korisnika naloga pod nazivom „(...)“ na portalu ..., zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH, jer ne postoje osnovi sumnje da je prijavljena osoba učinila krivično djelo.

Obrazloženje

Dana 01.07.2024. godine Tužilaštvo BiH je putem službenog e-maila zaprimilo prijavu sa e-maila ... podnosioca „(...)“ protiv korisnika naloga pod nazivom „(...)“ na portalu ... za izvršenje krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH.

Postupajući po Naredbi Tužilaštva BiH broj T20 0 KTA 0025680 24 od 05.07.2024. godine Državna agencije za istrage i zaštitu BiH dostavila je Izvještaj broj ... od 01.08.2024. godine iz kojeg proizilazi da je identična krivična prijava 28.06.2024. godine dostavljena Agenciji od strane istog prijavitelja, na osnovu koje su dana 08.07.2024. godine izvršene odgovarajuće provjere putem otvorenih izvora, kojom prilikom su pronađeni komentari koje je u svojoj prijavi naveo prijavitelj. Izvršenim provjerama za IP adrese koje su dostavljene od strane pravnog lica ... , a koje su povezane sa korisnikom internet portala ... pod nazivom „(...)“ utvrđeno da manji broj IP adresa pripada pravnim licima sa područja Bosne i Hercegovine, dok veći broj istih pripada drugim evropskim državama. Uvidom u sadržaj priloga dostavljenih uz akt pravnog lica ... utvrđeno je da se NN lice korisnik internet portala ... prijavilo pod nazivom „(...)“, te da je svoj nalog pod navedenim nazivom kreirao dana 02.03.2024. godine u 18:33:41 sati, pri čemu je koristio ime „(...)“ i e-mail adresu ... , u vezi koje su preko linka <https://...> izvršene provjere prilikom čega se došlo do Google ID ..., te da je zadnji update bio dana 15.07.2024. godine u 20.41.15 (utc) sati.

U cilju utvrđivanja identiteta tog NN lica, korisnika internet portala ... pod nazivom „(...)“ izvršene su i provjere u IDDEEA bazi ličnih podataka, prilikom čega je pronađeno više lica sa navedenim imenom i prezimenom, pri čemu se nije mogao sa sigurnošću utvrditi identitet predmetnog NN lica. U dijelu dostavljenih podataka za IP adrese koje se odnose na predmetnog korisnika utvrđeno je da je isti

prilikom postavljanja komentara na internet portalu ... u proteklom periodu koristio više IP adresa, pri čemu su od strane pravnog lica ... dostavljeni podaci o tim IP adresama iz kojih proizilazi da su sve utvrđene IP adrese dinamične (dinamična IP adresa ima svojstvo da se može promijeniti svakih nekoliko sati, dana ili čak pri svakom povezivanju sa mrežom).

Na prijedlog Tužilaštva BiH, Sud BiH donio je Naredbu broj ... od 19.08.2024. godine kojom se od operatera „BH Telecom d.d.“ traži da dostavi sve raspoložive podatke o korisniku IP adrese ... , koju je korisnik pod nazivom „(...)“ koristio 22.06.2024. godine u 20:30:05 sati, a zbog identifikacije NN korisnika internet portala ...pod nazivom „(...)“ i prikupljanja podataka koji bi mogli biti dokaz u krivičnom postupku ili poslužiti prikupljanju podataka koji bi mogli poslužiti kao dokaz u krivičnom postupku.

Postupajući po navedenoj Naredbi Suda BiH pravno lice „BH Telecom d.d.“ uvidom u posjedujuću bazu podataka, utvrdilo je za IP adresu broj ... da ista pripada kategoriji NAT-iranih IP adresa, a koje koriste mobilni korisnici ovog operatera i koju u istoj sekundi može da koristi veći broj BH Mobile korisnika.

Postupajući po Zahtjevu Tužilaštva BiH od 11.06.2025. godine Državna agencija za istrage i zaštitu BiH dostavila je Izvještaj broj ... od 16.07.2025. godine iz kojeg proizilazi da su policijski službenici Agencije preko otvorenih izvora izvršili određene provjere koje se odnose na NN lice koje koristi pseudonim „(...)“, prilikom čega je utvrđeno da isti u trenutku vršenja provjera nije imao nijedan komentar postavljen na novinske članke objavljene na internet stranici www... .Shodno navedenom zaključeno je da se svi komentari koje je u ranijem periodu na istoj inetrnet stranici postavljalo NN lice preudonima „(...)“, a koji su u toku mjeseca jula pronađeni od strane policijskih službenika agencije najvjerovatnije obrisani od strane odgovornih lica medijske kuće ..., obzirom na činjenicu da je u rubrici „Komentari“ na svakom novinskom članku objavljenom na internet stranici www... postavljena napomena sljedećeg sadržaja: Poštovani, molimo Vas da se pridržavate pravila komentaranja. Zabranjeno je vrijeđanje, psovanje ili bilo kakav drugi govor mržnje. Zadržavamo pravo obrisati takav komentar bez najave i objašnjenja“.

Iz Zapisnika o salušanju svjedoka broj ... od 16.07.2025. godine, „(...)“, direktora IT službe i odgovornog lica u pravnom licu ... proizilazi da je stav cjelokupne politike firme da ne toleriše bilo kakav govor mržnje, a što je na portalu naznačeno kao napomena koja je dostupna svim čitaocima. Istakao je da ukoliko primjete komentare govora mržnje ili ukoliko im neko drugi iste prijavi, oni te komentare uklanjaju na način da ih obrišu, a da to mogu učiniti i urednik portala ili administratori portala. Isti kometari ostaju u njihovoj arhivi, ali više nisu javno dostupni drugim korisnicima portala. Naveo je kako radnici njihove medijske kuće ne mogu odmah reagovati ukoliko neko od njihovih korisnika objavi bilo kakav komentar negativnog sadraja koji u sebi sadrži bilo kakav oblik govora mržnje, ali ukoliko takav komentar uoče ili isti neko od korisnika prijavi, odmah taj kometar uklanjaju, odnosno „banuju“ korisnika, tako da isti više nema mogućnost postavljanja komentara na objavljene novinske članke. Naveo je takođe da u firmi imaju listu eksplicitnih riječi koja se po potrebi može proširivati, a da je pored toga integrisana i umjetna inteligencija kojoj su date izričite upute da prati uneseni komentar prije objave, te ga filtrira ukoliko u sebi sadrži elemente govora mržnje, na koji način sprječavaju, odnosno ne dozvoljavaju objave takvih komentara. Konkretno za komentare sa profila „(...)“ izjavio je kako su isti odmah po zaprimanju dopisa Agencije u mjesecu julu 2024. godine obrisani i banovani od strane službe portala jer su u sebi sadržali govor mržnje.

Jedan od ključnih načina za praćenje govora mržnje na internetu jeste utvrđivanje IP adrese, koja predstavlja jedinstveni broj koji identifikuje uređaj povezan na internet i može biti od koristi za

identifikaciju osoba ili lokacije sa koje dolazi određen sadržaj. IP adresa može biti statična i dinamična.. Za razliku od statične IP adrese, koja je fiksna i ne mijenja se, dinamička IP adresa može se promijeniti svakih nekoliko sati, dana ili čak pri svakom povezivanju sa mrežom.

Kako se u konkretnom slučaju ni po naredbi Suda BiH od strane internet portala www... na kojem je kreiran korisnički račun putem kojeg su objavljeni sporni komentari nije mogao utvrditi tačan identitet lica koje je te komentare postavilo, odnosno kako je jedini trag za otkrivanje počinioca dinamična IP adresa za koju je zbog promjenjivosti iste nemoguće sa sigurnošću utvrditi korisnika iste, kao i da su svi navedeni komentari od strane web portala www... izbrisani i da je korisnik koji je iste postavio banovan, to je donesena odluka kao u Dispozitivu ove Nredbe.

O nesprovođenju istrage, kao i o razlozima za donošenje Naredbe o nesprovođenju istrage, Tužilaštvo BiH će, shodno članu 216. stav 4. Zakona o krivičnom postupku BiH, obavijestiti podnosioca prijave, koji ima pravo podnošenja pritužbe Kabinetu glavnog tužioca u roku od osam (8) dana.

**TUŽILAC
TUŽILAŠTVA BIH**